

Samningur

mennta- og menningarmálaráðuneytis við Nýlistasafnið um ráðstöfun styrktar-/rekstrarframlags í fjárlögum vegna starfsemi safnsins

Mennta- og menningarmálaráðuneyti, kt. 460269-2969, í samningi þessum nefnt ráðuneyti, og Nýlistasafnið, kt. 551079-1559, í samningi þessum nefnt Nýlistasafnið, gera með sér svofelldan samning um ráðstöfun rekstrarframlags til safnsins:

1. Markmið og starfsemi

1.1. Meginmarkmið með samningi þessum eru að:

- styrkja Nýlistasafnið sem vettvangur nýrra strauma og tilrauna í myndlist,
- stuðla að gagnrýnni skoðun á, og umræðum um, samtímamyndlist á Íslandi,
- efla möguleika Nýlistasafnsins til að sinna listaverkæign sinni þannig að hún varðveitist og gefi sem gleggsta sýn á samtímamyndlist í hugmyndafræðilegum og sögulegum skilningi.

1.2. Nýlistasafnið mun m.a. vinna að ofangreindum markmiðum með eftirfarandi hætti:

- að safna, skrá og varðveita listaverkæign safnsins sem marktækan vitnisburð um íslenska listasögu, einkum á tímabilinu frá stofnun safnsins til samtímans,
- að safna heimildum og gögnum um íslenska listasögu allt frá 7. áratug 20. aldar í formi heimilda sem endurspeglar strauma og tilraunir í myndlist,
- að hafa frumkvæði að rannsóknum á íslenskri samtímamyndlist í samstarfi við aðrar stofnanir og fræðimenn á þessu sviði, og skapa þeim jafnframt aðstöðu og aðgang að heimildum eftir því sem kostur er,
- að veita mennta- og menningarstofnunum, nemendum og fræðimönnum virka þjónustu með opnu aðgengi að gögnum um safneign og að heimildasöfnum safnsins,
- að vera vettvangur framsækinnar myndlistar og tilrauna í myndlist með sýningum, viðburðum, fyrirlestrum og fræðslustarfi,
- að búa yfir tengslaneti við erlend söfn, sýningarstjóra, gallerí og stofnanir, sem nýtist í þágu menningar á Íslandi.


2. Forsendur samnings og lagaheimildir

2.1. Framlag ríkisins til samnings þessa er ákveðið í fjárlögum hvers árs og er það 9,0 m.kr. árið 2016.

2.1.1. Ráðuneytið annast samskipti aðila vegna samningsins við fjármála- og efnahagsráðuneyti, sbr. 3. mgr. 21. gr. laga nr. 88/1997 um fjárreiður ríkisins, og við Alþingi. Það mun leggja til við fjárlagagerð að árlegt framlag til samningsins út samningstímamann verði í samræmi við gr. 2.1. með fyrirvara um að Nýlistasafnið standi við skuldbindingar sínar. Gerður er fyrirvari um að stjórnvöld kunna að ákveða aðhaldsaðgerðir við samþykkt fjárlaga og á Nýlistasafnið ekki kröfu á ríkissjóð eða rétt á bótum þótt framlag til samningsins verði lækkað eða fellt niður.

2.2. Verði gerð umtalsverð breyting á fjárveitingu til samningsins í fjárlögum taka aðilar upp viðræður um aðlögun rekstrarins að breyttri fjárveitingu.

2.3. Nýlistasafnið starfar samkvæmt skipulagsskrá sem var staðfest var 11. september 2013.

p.10. 

- 2.4. Nýlistasafnið starfar í samræmi við lög og reglugerðir sem gilda um umsamda starfsemi og verkefni, en einnig, eftir því sem við á eftir lögum og reglugerðum um rekstur aðila sem kostaðir eru að verulegu eða öllu leyti af framlögum ríkisins.

3. Ábyrgð


- 3.1. Nýlistasafnið ber ábyrgð á þeirri starfsemi sem samningur þessi tekur til og að hún fullnægi kröfum um fagmennsku og gæði. Nýlistasafnið skal geta lagt fram gögn og skýrslur þessu til staðfestingar, sé eftir því leitað.
- 3.2. Nýlistasafnið ber ábyrgð á skuldbindingum sem það eða aðilar á þess vegum stofna til í tengslum við samning þennan.
- 3.3. Nýlistasafninu er óheimilt að:
 - 3.3.1. Afhenda, án skriflegs samþykkis ráðuneytisins, réttindi sín og skyldur samkvæmt samningi þessum í hendur þriðja aðila.
 - 3.3.2. Framselja greiðslur skv. samningi þessum til þriðja aðila og setja með öðrum hætti til tryggingar fjárskuldbindingu skv. 45. gr. laga um samningsveð nr. 75/1997.

4. Upplýsingar, samskipti og eftirlit vegna fjármála

- 4.1. Ráðuneytið greiðir árlegt framlag í tólf jöfnum hlutum fyrsta dag hvers mánaðar. Greitt er inn á bankareikning í viðskiptabanka Nýlistasafnsins.
- 4.2. Nýlistasafnið ber ábyrgð á að ráðuneytinu sé skilað eftirfarandi upplýsingum um starfsemi þess:
 - 4.2.1. Áætlun um rekstur og sjóðsstreymi ásamt starfsætlun, þar sem fram komi m.a. hvernig er áætlað að ráðstafa framlaginu og helstu starfsmarkmið sem unnið verður að fyrir lok janúar ár hvert.
 - 4.2.2. Endurskoðaðan ársreikning ársins á undan með skýringum, fyrir lok júní ár hvert og skal afrit jafnframt sent Ríkisendurskoðun.
- 4.3. Eigi Nýlistasafnið í viðskiptum við lögaðila sem það á eignarhluta í eða er í eigu fjárhagslegra tengdra aðila svo sem stjórnenda þess, eða annarra aðila, skulu þau fara fram á viðskiptalegum forsendum og gerð grein fyrir þeim í ársreikningi.

5. Upplýsingar, samskipti og eftirlit vegna verkefna

- 5.1. Ráðuneytið hefur eftirlit með framkvæmd samningsins.
- 5.2. Fulltrúar ráðuneytis og Nýlistasafnsins funda að lágmarki árlega um samninginn.
- 5.3. Fyrir lok júní ár hvert skilar Nýlistasafnið ráðuneytinu greinargerð um framkvæmd samningsins þar sem fram komi meðal annars hver staða verkefna safnsins er og hvernig framlagi var ráðstafað í samanburði við áætlun.
- 5.4. Nýlistasafnið skilar ráðuneytinu upplýsingum sem það kallar eftir vegna opinberrar upplýsingagjafar.
- 5.5. Nýlistasafnið veitir ráðuneytinu upplýsingar sem það kallar eftir vegna eftirlits með framkvæmd samningsins. Ráðuneytið hefur heimild til að gera sjálf eða fela öðrum að gera athuganir og úttektir á öllum eða einstaka þáttum í framkvæmd samningsins. Í því sambandi hefur það óheftan aðgang að öllum gögnum sem máli skipta.
- 5.6. Samning þennan, ársreikning Nýlistasafnsins, greinargerð um framkvæmd samnings og úttektarskýrslur skal birta á vef Nýlistasafnsins jafnóðum og þessi gögn liggja fyrir. Ráðuneytinu er heimilt að birta gögnin á vef sínum.
- 5.7. Nýlistasafnið setur á vefsíðu sína ýmis gögn sem eru efnislegar afurðir starfsemi hans, svo sem skýrslur, leiðbeiningar og áætlanir.



6. Vanefndir og meðferð ágreinings


- 6.1. Nýlistasafnið tilkynnir ráðuneytinu tafarlaust ef talinn er vafi leika á að safnið geti uppfyllt skyldur samkvæmt samningnum. Jafnframt er greint frá úrræðum sem Nýlistasafnið hyggst grípa til.
- 6.2. Ráðuneytinu er heimilt að draga úr greiðslum, stöðva greiðslur og endurkrefja um greiðslur uppfylli Nýlistasafnið ekki skyldur sínar samkvæmt samningi þessum.
- 6.3. Samningsaðilar munu leitast við að jafna ágreining, ef einhver er, sín á milli.
- 6.4. Dómsmál sem rísa kann út af samningi þessum skal rekið fyrir Héraðsdómi Reykjavíkur.


7. Gildistími og lok samnings

- 7.1. Samningurinn gildir frá 1. janúar 2016 til 31. desember 2018.
- 7.2. Hvor aðili um sig getur óskað eftir því að einstök ákvæði samnings þessa eða samningurinn í heild verði tekinn til endurskoðunar, enda séu færð fyrir því efnisleg rök. Endurskoðun skal þá hefjast svo fljótt sem verða má.
- 7.3. Óski annar hvor samningsaðila að semja um áframhald eftir að gildistími samningsins lýkur skal hann koma því á framfæri fyrir lok febrúar það ár sem samningurinn rennur út.
- 7.4. Óski annar hvor aðila eftir að segja samningnum upp skal það gert skriflega með þriggja mánaða fyrirvara.
- 7.5. Samningur þessi er gerður í tveimur samhljóða eintökum og heldur hvor aðili eintaki.

Reykjavík 18. apríl 2016.

F.h. Nýlistasafnsins,


Illugi Gunnarsson
mennta- og menningarmálaráðherra


Þorgerður Ólafsdóttir
formaður stjórnar.